



«SHARQ-SUG'URTA»
aksiyadorlik jamiyati
акциядорларининг
2022 йил 24 ноябрдаги навбатдан
ташқари умумий
йиғилиши қарори билан
«ТАСДИҚЛАНГАН»

Йиғилиш раиси elzil

«SHARQ-SUG'URTA» aksiyadorlik jamiyati УСТАВИ

(ЯНГИ ТАХРИРИ)

Тошкент - 2022 йил

I. УМУМИЙ ҚОИДАЛАР

1.1. Жамиятнинг тўлиқ номи:

Ўзбек тилида:

- лотин алифбосида- «SHARQ-SUG'URTA» aksiyadorlik jamiyati;
- кирилл алифбосида- «SHARQ-SUG'URTA» акциядорлик жамияти;

Қискартирилган номи:

- лотин алифбосида- «SHARQ-SUG'URTA» AJ;
- кирилл алифбосида- «SHARQ-SUG'URTA» АЖ;

Рус тилида: Акционерное общество «SHARQ-SUG'URTA».

Қискартирилган номи: АО «SHARQ-SUG'URTA».

Инглиз тилида: «SHARQ-SUG'URTA» Stock Company.

Қискартирилган номи: «SHARQ-SUG'URTA» SC.

1.2. Почта манзили: 100020, Тошкент шаҳри, Шайхонтохур тумани, Бог 2-тор кўчаси, 2 уй, 1 хонадон.

1.3. Электрон почта манзили: info@sharqsugurta.uz

II. ЖАМИЯТНИНГ ЮРИДИК МАҚОМИ

2.1. «SHARQ-SUG'URTA» акциядорлик жамияти (кейинчалик матни бўйича «Жамият» деб юритилади) Ўзбекистон Республикасининг Фуқаролик кодекси ва «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни, Ўзбекистон Республикасининг бошқа қонун ҳужжатлари, шунингдек, ушбу Уставга асосан ҳаракат қиладиган акциядорлик жамиятидир.

2.2. Жамият юридик шахс ҳуқуқларига давлат рўйхатидан ўтказилган пайтидан бошлаб эга бўлади ва ўзининг мустақил балансида ҳисобга олинadиган алоҳида мол-мулкига эга бўлади, ўз номидан мулкӣ ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

2.3. Жамият фаолияти муддати чекланмаган.

2.4. Жамият белгиланган тартибда Ўзбекистон Республикаси ҳудуди ва ундан ташқарида банкда ҳисоб варақаларни очишга ҳақлидир.

2.5. Жамият ўзининг фирма номи давлат тилида тўлиқ ёзилган ҳамда жойлашган ери курсатилган юмалок муҳрига эга, ўз номи ёзилган штамп ва бланкаларига, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

III. ЖАМИЯТНИНГ ЖАВОБГАРЛИГИ

3.1. Жамият ўз мажбуриятлари юзасидан ўзига тегишли барча мол-мулки билан жавобгар бўлади.

3.2. Акциядорлар жамиятнинг мажбуриятлари юзасидан жавобгар бўлмайдилар ва унинг фаолияти билан боғлиқ зарарларнинг ўрнини ўзларига тегишли акциялар қиймати доирасида қоплаш таваккалчилигини ўз зиммасига олади.

3.3. Акциялар ҳақини тўлиқ тўламаган акциядорлар жамият мажбуриятлари юзасидан ўзларига тегишли акциялар қийматининг тўланмаган қисми доирасида жавобгар бўладилар.

3.4. Жамият ўз акциядорларининг мажбуриятлари юзасидан жавобгар бўлмайди.

3.5. Давлат ва унинг органлари жамият ўз зиммасига олган мажбуриятлар юзасидан жавобгар бўлмайди, худди шунингдек жамият ҳам давлат ва унинг органлари олган мажбуриятлар юзасидан жавобгар бўлмайди.

IV. ЖАМИЯТ ФАОЛИЯТИНИНГ ПРЕДМЕТИ ВА МАҚСАДИ

4.1. Жамият фаолиятининг асосий мақсади юридик ва жисмоний шахсларга суғурта хизматларини кўрсатиш орқали Ўзбекистон Республикасида суғурта соҳаси ривожланишига

ўз хиссасини қўшиш ҳамда суғурта фаолиятдан даромад олиш ҳисобланади.

4.2. Жамият фаолиятининг асосий йўналишлари қуйидагилардир:

- суғурта ва қайта суғурта қилиш фаолияти;
- махсус ваколатли давлат органи белгилайдиган тартибда ва шартларда инвестиция фаолиятини амалга ошириш;
- мулкнинг ҳар қандай шаклидаги корхоналарнинг бизнес лойиҳалари, устав фондларига, банк депозитларига, кучмас мулкларга, шунингдек бошқа барча бизнес объектларига маблағлар киритиш;
- қимматли қоғозлар, улуш, хиссалари ва ҳар қандай бошқа инвестиция фаолияти объектларига инвестициялар киритиш;
- қимматли қоғозлар бозорида инвестиция воситачиси (дилерлик ва брокерлик) фаолияти;
- суғурта (қайта суғурталаш) соҳасидаги мутахассислар малакасини ошириш билан боғлиқ фаолиятни, шунингдек, суғурта агенти сифатида суғурта воситачилигини амалга ошириш;
- чет эл суғурталовчиларига сюрвейер ва аджастер хизматларини кўрсатиш;
- кўчмас мулк билан операциялар;
- савдо операциялари, шу жумладан улгуржи савдо;
- бинолар, хоналар ва бошқа кўчмас ва қўчар мулкларни ижарага бериш;
- ташки иктисодий фаолиятни амалга ошириш;
- Ўзбекистон Республикаси қонунчилигида тақиқланмаган бошқа фаолият турали билан шуғулланиш.

4.3. Амалга ошириш учун махсус рухсатнома (лицензия) талаб қилинадиган фаолият турлари амалдаги қонунчиликда белгиланган тартибда лицензия олинганидан сўнг амалга оширилади.

V. ЖАМИЯТНИНГ УСТАВ ФОНДИ ВА АКЦИЯЛАРИ

5.1. Жамиятнинг устав фонди жамият акцияларининг номинал қийматидан ташкил топади. Жамият чиқарган барча акцияларнинг номинал қиймати 1000 сўмни ташкил этади.

5.2. Жамият устав фондини микдори – 36 000 000 000 (ўттиз олти миллиард) сўм.

5.3. Жамиятнинг устав фонди номинал қийматининг ҳар бири 1000 сўмдан бўлган 36 000 000 (ўттиз олти миллион) дона овоз бериш ҳукуки бир хил бўлган оддий эгаси ёзилган акцияларга тенг тарзда бўлинган.

5.4. Жамият ўз жойлаштирилган акцияларига қўшимча равишда ҳар бирининг номинал қиймати 1000 сўм бўлган жами 50 000 000 (эллик миллион) дона, 50 000 000 000 (эллик миллиард) сўмлик оддий эгаси ёзилган акциялар (эълон қилинган) чиқариб жойлаштириши мумкин.

5.5. Жамият қўшимча акцияларини тўлаш шакли ва муддатлари уларни жойлаштириш тўғрисидаги қарор билан белгиланади, ушбу муддат улар давлат рўйхатига олинган пайтдан бошлаб узоғи билан бир йилдан ортиқ бўлиши мумкин эмас. Жамият акцияларини тўлаш пуллар, қимматли қоғозлар, пул баҳосига эга бўлган бошқа мулк хуқуқлар ёрдамида амалга оширилиши мумкин.

VI. ЖАМИЯТ УСТАВ ФОНДИНИ КЎПАЙТИРИШ

6.1. Жамият устав фонди қўшимча акциялар чиқариш ва жойлаштириш йўли билан кўпайтирилиши мумкин.

6.2. Жамият устав фондини қўшимча акциялар чиқариш йўли билан кўпайтириш ва жамият уставига тегишли ўзгартиришлар киритиш тўғрисидаги қарор жамият кузатув кенгаши томонидан қабул қилинади.

Жамиятнинг устав фондини кўпайтириш тўғрисидаги қарорда жойлаштириладиган қўшимча оддий акцияларнинг сони, уларни жойлаштириш муддатлари ҳамда шартлари белгиланган бўлиши керак.

6.3. Қўшимча акциялар фақат жамиятнинг ушбу уставига белгиланган эълон қилинган акциялар сони доирасида жойлаштирилиши мумкин.

6.4. Жамиятнинг устав фондини қўшимча акцияларни жойлаштириш йўли билан қўпайтириш жалб қилинган инвестициялар, жамиятнинг ўз капитали ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

VII. ЖАМИЯТ УСТАВ ФОНДИНИ КАМАЙТИРИШ

7.1. Жамият устав фонди акцияларнинг номинал қийматини камайитириш ёки уларнинг умумий сонини қисқартириш йўли билан, шу жумладан акцияларнинг бир қисмини жамиятнинг ўзи кейинчалик муомаладан чиқариш шарти билан сотиб олиши йўли билан камайитирилиши мумкин.

7.2. Устав фондини камайитириш ва жамият уставига тегишли ўзгартишлар киритиш ҳақидаги қарор акциядорларнинг умумий йиғилишида қабул қилинади.

7.3. Жамият устав фондини камайитириш тўғрисида қарор қабул қилинган санадан эътиборан ўттиз кундан кечиктирмай ўз кредиторларини бу ҳақда ёзма шаклда хабардор қилади. Кредиторлар жамиятнинг устав фондини камайитириш тўғрисида ўзларига билдириш юборилган санадан эътиборан ўттиз кундан кечиктирмай жамиятдан ўз мажбуриятларини муддатидан олдин бажаришини ва устав фонди камайитирилиши билан боғлиқ зарарларнинг ўрнини қоплашини талаб қилишга ҳақли.

VIII. ЖАМИЯТ АКЦИЯДОРЛАРИНИНГ ҲУҚУҚЛАРИ ВА МАЖБУРИЯТЛАРИ

8.1. Жамият акциядорлари қуйидаги ҳуқуқларга эгадирлар:

- Жамият акциядорлари реестрига киритилиш;
- Жамият акциядорлари реестридан ўзлари ҳақида қимматли қоғоз ҳисобланмайдиган кўчирмалар олиш;
- Жамият фойдасининг бир қисмини дивидендлар тарзида олиш;
- Жамият тугатилган тақдирда ўзларига тегишли улушга мувофиқ жамият мол-мулкнинг бир қисмини олиш;
- Жамиятни бошқаришда иштирок этиш;
- Жамиятнинг ушбу уставига мувофиқ жамиятнинг молия-ҳўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
- олган дивидендини эркин тасарруф этиш.
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.

Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан қўриқланадиган манфаатларини бузмаслиги лозим.

Акциядорлар Ўзбекистон Республикасининг амалдаги қонунчилигида ва жамиятнинг ушбу уставига назарда тутилган бошқа ҳуқуқларга ҳам эга бўладилар.

8.2. Жамиятнинг ҳар бир оддий акцияси унинг эгаси бўлмиш акциядорга бир хил ҳажмда ҳуқуқлар беради.

8.3. Жамият акциядорлари қуйидаги мажбуриятларга эга:

- Жамият уставига талабларига риоя қилиш;
- Қонун ҳужжатлари, жамият уставига ва акциядорларнинг умумий йиғилиши қарорларида назарда тутилган тартибда, миқдорда, шаклларда ва муддатларда жамият акцияларини ҳақини тўлаш;

- Жамият фаолияти тўғрисидаги сир тутилган ахборотни ошкор қилмаслик;
 - Ўз манзили (жойлашуви), электрон почта манзили, ва бошқа маълумотлари ўзгарган тақдирда бундай ўзгариш содир бўлган кундан бошлаб 15 кундан ошмаган муддатда жамиятни хабардор қилиш. Бундай маълумотлар хабар қилинмаган тақдирда жамият хабар қилмаслик оқибатида акциядорга етказилган зарар учун жавобгар бўлмайди.
- Акциядорлар конун ҳужжатлари ва Уставда белгиланган бошқа мажбуриятларга ҳам эга бўладилар.

IX. ЖАМИЯТНИНГ ЎЗ АКЦИЯЛАРИНИ ОЛИШ ТАРТИБИ

9.1. Жамият ўзи жойлаштирган акцияларни акциядорлар умумий йиғилишининг жойлаштирилган акцияларнинг бир қисмини олиш ва ушбу акцияларнинг умумий сонини камайтириш йўли билан жамият устав фондини камайтириш тўғрисидаги қарорига кўра, шунингдек уларни кейинчалик белгиланган тартибда қайта сотиш мақсадида жамият кузатув кенгашининг қарорига кўра олишга ҳақли.

9.2. Акциядорлар умумий йиғилишининг акцияларнинг умумий сонини камайтириш мақсадида уларни олиш йўли билан жамиятнинг устав фондини камайтириш тўғрисида қабул қилинган қарори асосида жамият томонидан олинган акциялар конун ҳужжатларида белгиланган тартибда бекор қилинади.

Акцияларни олиш тўғрисидаги қарорда олинган акцияларнинг турлари, жамият оладиган ҳар бир турдаги акцияларнинг сони, акцияларни олиш нархи, акциялар ҳақини тўлаш шакли ва муддати, шунингдек акциялар қанча муддатда олиниши белгилаб қўйилиши керак.

Акцияларни олиш вақтида уларга ҳақ тўлаш пул маблағлари билан амалга оширилади. Акцияларни олиш муддати акцияларни олиш тўғрисидаги қарор билан белгиланади, бу муддат ўн кундан кам бўлмаслиги керак. Жамият томонидан оддий акцияларни олиш нархи уларнинг бозор қийматига мувофиқ белгиланади.

Қайси муайян турдаги акцияларни олиш тўғрисида қарор қабул қилинган бўлса, ўша акцияларнинг эгаси бўлган ҳар бир акциядор мазкур акцияларни сотишга ҳақли, жамият эса уларни олиши шарт. Агар жамият томонидан олиниши тўғрисида акциядорларнинг аризалари тушган акцияларнинг умумий сони ушбу муддатда белгиланган чекловлар ҳисобга олинган ҳолда жамият олиши мумкин бўлган акцияларнинг сонидан ортиқ бўлса, акциядорлардан аризада кўрсатилган талабларга мутаносиб равишда акциялар олинади.

Акциялар олинган муддат бошланишига кечи билан ўн кун қолганда жамият муайян турдаги акцияларнинг эгалари бўлган акциядорларни жамият томонидан акциялар олиниши тўғрисида оммавий ахборот воситаларида эълон қилиш ва ўз расмий веб-сайтида жойлаштириш орқали хабардор этиши шарт. Билдиришномада ушуб уставнинг 9.2. модданинг иккинчи хатбошисида курсатиб ўтилган маълумотлар бўлиши лозим.

9.3. Жамият тасарруфига ўтган акциялар овоз бериш ҳуқуқини бермайди, овозларни санаб чиқишда ҳисобга олинмайди, улар бўйича дивидендлар ҳисоблаб чиқарилмайди.

Кейинчалик қайта сотиш мақсадида жамият тасарруфига ўтган акциялар улар жамият тасарруфига ўтган пайтдан эътиборан бир йилдан кечиктирмай реализация қилиниши керак, акс ҳолда акциядорларнинг умумий йиғилиши жамиятнинг устав фондини камайтириш тўғрисида қарор қабул қилиниши лозим. Кўрсатилган муддатда реализация қилинмаган акциялар бекор қилиниши керак.

Жамият томонидан ўз акцияларининг олиниши, агар конун ҳужжатларида бошқача қоида белгиланмаган бўлса, мустақил равишда ёки қимматли қоғозлар бозорининг профессионал иштирокчилари орқали амалга оширилади.

Жамият ўзи чиқарган акциялар бўйича уларни қайтариб сотиб олиш шarti билан битимлар тузишга, шунингдек ўзи чиқарган акцияларни ишончли бошқарувга беришга ҳақли эмас.

X. ДИВИДЕНДЛАРНИ ТЎЛАШ ТАРТИБИ

10.1. Жамият фойдасининг (даромадининг) амалдаги конунчиликка биноан солиқлар тўланганидан сўнг қолган қисми-соф фойда жамият эгалигида қолади ва жамият фондларини ташкил этиш ва акциялар бўйича дивидендлар тўлаш учун сарф этилади.

10.2. Дивиденд жамият соф фойдасининг акциядорлар ўртасида тақсимланадиган қисмидир. Жамият акцияларнинг ҳар бир тури бўйича эълон қилинган дивидендларни тўлаши шарт.

10.3. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

10.4. Соф фойда ҳисобидан жамият томонидан жамият акциядорлари умумий йиғилиши билан белгиланадиган заҳира ва бошқа жамият фаолияти учун зарур бўлган фондлар ташкил этилади. Заҳира фонди жамият устав фондининг 15% миқдорида тузилади. Заҳира фонди ушбу уставда белгиланган миқдорга етгунча қадар жамият ҳар йили соф фойданинг 5% миқдорида заҳира фондига ажратмалар ўтказиб боради. Жамият заҳира фонди қўрилган зарарни қоплаш, жамият облигацияларини муомаладан чиқариш ва Ўзбекистон Республикасининг амалдаги қонунчилигига мувофиқ акцияларини сотиб олишни талаб қилиш ҳуқуқига эга бўлган акциядорларнинг талабига биноан акцияларини сотиб олиш учун мўлжалланади.

10.5. Жамият молиявий йилнинг биринчи чорағи, ярим йиллиги, тўққиз ойи натижаларига кўра ва (ёки) молиявий йил натижаларига кўра, жойлаштирилган акциялар бўйича дивидендлар тўлаш тўғрисида қарор қабул қилишга ҳақли. Жамиятнинг молиявий йилнинг биринчи чорағи, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

10.6. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият қўзғатув кенгашининг тавсияси, молиявий ҳисоботнинг ишончлилиги ҳақида аудиторлик ҳулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори жамият қўзғатув кенгаши томонидан тавсия этилган миқдордан кўп бўлиши мумкин эмас. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

10.7. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

10.8. Дивидендлар тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

10.9. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказилидиган расмий эълон қилинган санадан 3 иш кун олдин шакллантирилган жамият акциядорлари реестрида қайд этилган акциядорлар эга бўлади.

10.10. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра жамият ихтиёрида қолади.

10.11. Жамият акциядорларнинг умумий йиғилиши белгиланган муддатларда дивидендларни ўз айби билан тўламаган тақдирда, тўланмаган ва тўлиқ олинмаган дивидендлар юзасидан Марказий банк белгиланган такрор молиялаш ставкалари бўйича пеня ёзилади.

10.12. Жамият томонидан ҳисобланган дивидендларни ва пеняларни тўлашни акциядор суд тартибида талаб қилишга ҳақли.

10.13. Муомалага чиқарилмаган ёки жамият балансида ҳисобда турган акциялар бўйича дивидендлар тўланмайди.

10.14. Жамият:

- жамият устав фондининг ҳаммаси унинг таъсис этилиши чоғида тўлиқ тўлаб бўлингунига қадар;

- агар дивидендлар тўланадиган пайтда жамиятда банкротлик белгилари мавжуд бўлса ёки жамиятда шундай белгилар дивидендларни тўлаш натижасида пайдо бўлса;

- агар жамият соф активларининг қиймати унинг устав фонди ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

Ушбу уставнинг 10.14. бандида кўрсатилган ҳолатлар тугатилгач; жамият ҳисобланган дивидендларни акциядорларга тўлаши шарт.

10.15. Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади. Жамият тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва жамиятнинг расмий веб-сайтларида конун ҳужжатларида белгиланган муддатларда эълон қилади.

10.16. Дивидендларга солиқ солиш солиқ тўғрисидаги конун ҳужжатларига мувофиқ амалга оширилади ва бунда солиқ солиш бўйича имтиёзлар белгиланиши мумкин.

XI. ЖАМИЯТ ФАОЛИЯТИНИ БОШҚАРУВ ОРГАНЛАРИ

11.1. Акциядорлик жамиятининг акциядорлар умумий йиғилиши, Кузатув кенгаши ва жамиятнинг ижроия органи – Бош директор (кейинги ўринларда Бош директор деб номланади) бошқаради.

11.2. Акциядорлар умумий йиғилиши жамиятнинг олий бошқарув органи ҳисобланади.

11.3. Жамият ҳар йили акциядорлар умумий йиғилишини (акциядорларнинг йиллик умумий йиғилишини) ўтказиши шарт.

11.4. Акциядорларнинг йиллик умумий йиғилиши жамият уставида белгиланган муддатларда, бироқ молия йили якунланганидан сўнг олти ойдан кечиктирмай ўтказилади. Акциядорларнинг йиллик умумий йиғилишида Кузатув кенгашини ва тафтишчисини сайлаш, Бош директор билан тузилган шартномани узайтириш (кайта тузиш) ёки тугатиш (бекор қилиш) мумкинлиги ҳақидаги масалалар ҳал этилади, шунингдек, жамиятнинг йиллик ҳисоботи ва «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни 59-моддаси биринчи қисми ўн иккинчи ва ўн учинчи хатбошисига мувофиқ жамиятнинг йиллик ҳисоботи ва бошқа ҳужжатлари кўриб чиқилади.

11.5. Акциядорларнинг йиллик умумий йиғилишидан ташқари ўтказиладиган йиғишлар навбатдан ташқари йиғилишлардир.

11.6. Акциядорлар умумий йиғилишини ўтказиш санаси ва тартиби, акциядорларга йиғилишни ўтказиш санаси тўғрисида хабар бериш тартиби, акциядорларнинг умумий йиғилишини ўтказишга тайёргарлик кўришда акциядорларга тақдим этиладиган материаллар (ахборотнинг) рўйхати жамиятнинг кузатув кенгаши томонидан белгиланади.

11.7. Акциядорлар умумий йиғилиши жамият фаолиятига тегишли ҳар қандай масалалар юзасидан «Акциядорлар умумий йиғилиши тўғрисидаги низом»да белгиланган тартибда қарорлар қабул қилишга ҳақли.

11.8. Жамият фаолиятига умумий раҳбарликни жамият кузатув кенгаши амалга оширади, кузатув кенгаши 3 (уч) аъзодан ташкил топади.

11.9. Жамият кузатув кенгашининг аъзолари акциядорларнинг умумий йиғилиши томонидан Жамият акциядорлари орасидан конунчилик ва ушбу уставда назарда тутилган тартибда 3 (уч) йил муддатга сайланадилар. Кузатув кенгаши таркибига энг кўп овоз олган номзодлар сайланган ҳисобланадилар. Жамият кузатув кенгаши таркибига сайланган шахсларнинг кайта сайланишлари чекланмайди.

11.10. Бош директор ва жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзолари бўлиши мумкин эмас.

11.11. Акциядор ўзига тегишли акциялар бўйича овозларни жамият кузатув кенгашининг битта номзодига тўлиқ беришга ёки бир нечта номзод ўртасида тақсимлашга ҳақлидир.

11.12. Жамият кузатув кенгашининг раиси кузатув кенгаш аъзолари томонидан уларнинг ўзлари орасидан кузатув кенгаши аъзолари умумий сонига нисбатан кўпчилик овоз билан сайланади.

11.13. Жамият кузатув кенгашининг раиси унинг ишини ташкил этади, кузатув кенгаши мажлисларини чакиради ва уларда раислик қилади, мажлисда баённома юритилишини ташкил этади, жамият акциядорлари умумий йиғилишида раислик қилади, ҳужжатларга имзо чекади ва уларнинг тўғрилиги учун жавобгар бўлади.

11.14. Жамият кузатув кенгашининг мажлиси кузатув кенгашининг раиси томонидан унинг ўз ташаббуси билан, кузатув кенгашининг аъзосининг, жамият ижроия органининг талабига биноан чакирилади.

11.15. Кузатув кенгаши мажлисини ўтказиш учун кворум кузатув кенгашига сайланган аъзоларнинг етмиш беш фоизидан кам бўлмаслиги керак. Кузатув кенгаши аъзоларининг сони ушбу уставнинг 11.8. бандида назарда тутилган миқдорнинг етмиш беш фоизидан кам бўлиб қолса, жамият кузатув кенгашининг янги таркибини сайлаш учун акциядорларнинг фавқуллодда (навбатдан ташқари) умумий йиғилишини чакириши шарт. Кузатув кенгашининг қолган аъзолари акциядорларнинг ана шундай фавқуллодда (навбатдан ташқари) умумий йиғилишини чакириш тўғрисида қарор қабул қилишга ҳақлидир.

11.16. Жамият кузатув кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади. Жамият кузатув кенгаши мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади. Жамият кузатув кенгашининг бир аъзоси ўз овозини кузатув кенгашининг бошқа аъзосига беришга йўл қўйилмайди.

11.17. Кузатув кенгаши аъзоларининг овозлари тенг бўлган ҳолларда кузатув кенгашининг қарорини қабул қилишда жамият кузатув кенгаши раиси ҳал қилувчи овоз ҳуқуқига эга бўлади.

11.18. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг 10 кундан кечиктирмай тузилади. Мажлис баённомасида қуйидагилар кўрсатилади:

- мажлис ўтказилган жой ва вақт;
- мажлисда ҳозир бўлган шахслар;
- мажлисининг кун тартиби;
- овоз беришга қўйилган масалалар, улар юзасидан ўтказилган овоз бериш ҳисоблари;
- қабул қилинган қарорлар.

11.19. Жамият кузатув кенгаши мажлисининг баённомаси мажлисда иштирок этаётган жамият кузатув кенгаши аъзолари томонидан имзоланади, улар мажлисининг баённомаси тўғри расмийлаштирилиши учун жавобгар бўлади.

11.20. Жамият кузатув кенгаши мажлисининг баённомаси имзоланган кун жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чакириш тўғрисида қарор қабул қилган ҳолда мазкур қарор ҳақидаги ахборот жамиятнинг ижроия органига кузатув кенгашининг мажлиси ўтказиладиган кун топширилади.

11.21. Жамият кузатув кенгашининг қарорлари сиртдан овоз бериш йўли билан (сўров йўли билан) жамият кузатув кенгашининг барча аъзолари томонидан бир овоздан қабул қилиниши мумкин.

11.22. Кузатув кенгаши ўз фаолиятини акциядорлар умумий йиғилиши томонидан тасдиқланган «Кузатув кенгаши тўғрисидаги низом»га мувофиқ амалга оширади.

11.23. Жамиятнинг кундалик фаолиятига раҳбарлик Бош директор томонидан амалга оширилади.

11.24. Бош директорнинг жамият олдидagi жавобгарлиги Ўзбекистон Республикаси қонунчилиги, мазкур Устав ва «Жамиятнинг ижро органи тўғрисидаги низом» ва унинг жамият билан 3 (уч) йил муддатга, ҳар йили узайтириш (қайта тузиш) ёки тугатиш (бекор қилиш) тўғрисида қарор қабул қилинган ҳолда тузатилган шартномаси асосида тартибга

солинади. Шартномани жамият номидан кузатув кенгаши раиси ёки жамият акциядорлари умумий йиғилиши ушбу вазифа учун ваколатлаган шахс имзолайди.

11.25. Бош директорнинг ваколатларига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг мутлақ ваколатларига ёки кузатув кенгашининг ваколатларига киритилган масалалар бундан мустасно.

11.26. Бош директор акциядорлар умумий йиғилиши ва кузатув кенгашининг қарорлари бажарилшини ташкил этади.

11.27. Бош директор жамият номидан ишончномасиз иш юритади, шу жумладан унинг манфаатларини ифода этади, жамият номидан битимлар тузади, штатларни тасдиқлайди, жамиятнинг барча ходимлари бажариши мажбурий бўлган буйруқлар чиқаради ва кўрсатмалар беради.

11.28. Бош директорнинг ваколатларини муддатидан олдин тўхтатиш, унга бериладиган меҳнат ҳақи ва бошқа ҳақлар миқдорини белгилаш жамият кузатув кенгаши томонидан амалга оширилади.

11.29. Бош директор билан тузилган шартнома кузатув кенгаши раиси томонидан имзоланади. Бош директор билан тузиладиган шартномада унинг жамият фаолияти самарадорлигини ошириш бўйича мажбуриятлари ҳамда акциядорларнинг умумий йиғилиши ва кузатув кенгаши олдида жамиятнинг йиллик бизнес-режасини бажариш қандай бораётганлиги юзасидан мажбуриятлари назарда тутилади.

11.30. Бош директор ва жамият ўртасида муносабатлар қонунчилик томонидан тартибга солинади.

11.31. Бош директор вазифасини ҳамда бошқа ташкилотларнинг бошқарув органларидаги лавозимларни ўриндошлик йўли билан бир шахснинг эгаллашига кузатув кенгаши розилиги билангина йўл қўйилади, Жамият таъсисчи еки акциядор/иштирокчи сифатида қатнашаётган корхоналарнинг бошқарувида иштирок этиш ҳоллари бундан мустасно.

11.32. Кузатув кенгаши Бош директор билан тузилган шартномани у шартнома шартларини бузган тақдирда бекор қилишга ҳақлидир.

11.33. Акциядорлар умумий йиғилишининг ваколат доираси:

- жамият уставига ўзгартишлар ва қўшимчалар киритиш ёки жамиятнинг янги таҳрирдаги уставини тасдиқлаш;
- жамиятни қайта ташкил қилиш;
- жамиятни тугатиш, тугатувчини(тугатиш комиссиясини) тайинлаш ва оралиқ ҳамда якуний тугатиш балансларини тасдиқлаш;
- жамият кузатув кенгашининг аъзоларини ва тафтишчисини сайлаш ҳамда уларнинг ваколатларини муддатидан илгари тугатиш;
- эълон қилинган акцияларнинг энг кўп миқдорини белгилаш;
- жамиятнинг Устав фондини камайтириш;
- ўз акцияларини олиш;
- жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;
- жамиятнинг йиллик ҳисоботини шунингдек жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;
- жамиятнинг фойдаси ва зарарларини тақсимлаш;
- жамият кузатув кенгашининг ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ва тафтишчисининг ҳисоботларини эшитиш;
- имтиёзли ҳуқуқни қўлламаслик тўғрисида «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 35-моддасида назарда тутилган қарорни қабул қилиш;

- акциядорлар умумий йиғилишининг регламентини тасдиқлаш;
- жамият фаолиятини тартибга солувчи қоидаларни (низомларни) тасдиқлаш;
- акцияларни майдалаштириш ва йириклаштириш;
- «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 8 ва 9 бобларида раъздарда тутилган ҳолларда битимлар тузиш ҳақида қарор қабул қилиш;

• мажбурий аудиторлик текширувини ўтказиш учун аудиторлик ташкилотини белгилаш, ушбу ташкилотнинг хизматларига ўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;

• жамият кузатув кенгаши, тафтишчиси, ижроия органи, шунингдек жамият санок комиссиясига ўланадиган мукофотлар ва компенсациялар миқдорини тасдиқлаш;

• «Акциядорлик жамиятлари ва акциядорларнинг ҳуқуқларини ҳимоя қилиш тўғрисида» ги Қонунда кўзда тутилган бошқа масалаларни ҳал қилиш.

11.34. Умумий йиғилишнинг ваколат доирасига кирувчи масалалар жамиятнинг ижро органига ҳал қилиш учун берилиши мумкин эмас.

11.35. Умумий йиғилишда овозга қўйилган масалалар бўйича овоз бериш ҳуқуқига жамиятнинг оддий акциялари эгалари эга. Ҳар бир акциядор унга тегишли акциялар сонига тенг овозлар сонига эга.

11.36. Жамиятнинг оддий акцияси овоз берувчи акция ҳисобланади.

11.37. Акциядорлар умумий йиғилишининг овоз беришга қўйилган масала бўйича қарори йиғилишда иштирок этадиган жамиятнинг овоз берувчи акцияларига эгалик қилувчи акциядорларнинг кўпчилик овози билан қабул қилинади.

11.38. Акциядорлар умумий йиғилишида овоз бериш «жамиятнинг битта овоз берувчи акцияси – битта овоз» тамойили бўйича амалга оширилади, жамият кузатув кенгаши аъзоларини сайлаш бўйича кумулятив овоз беришни ўтказиш, шунингдек қонунчиликда кўзда тутилган бошқа ҳолатлар бундан мустасно.

11.39. Қуйидаги масалалар юзасидан қарорлар акциядорларнинг умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади:

• жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

• жамиятни қайта ташкил қилиш;

• жамиятни тугатиш, тугатувчини (тугатиш комиссиясини) тайинлаш ва оралик ҳамда якуний тугатиш балансларини тасдиқлаш;

• Йирик битим тузиш масаласи бўйича жамият кузатув кенгашининг яқдиллигига эришилмаган тақдирда йирик битим тузиш тўғрисидаги масала кузатув кенгашининг қарорига кўра акциядорларнинг умумий йиғилиши ҳал қилиши учун олиб чиқилиши;

• Баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг эллик фоизидан ортиғини ташкил этувчи мол-мулк ҳусусида йирик битим тузиш тўғрисидаги қарор.

11.40. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

Акциядорларнинг умумий йиғилишини ўтказиш учун кворум бўлмаса, акциядорларнинг тақрорий умумий йиғилишини ўтказиш санаси эълон қилинади. Акциядорларнинг тақрорий умумий йиғилишини ўтказишда қун тартибини ўзгартиришга йўл қўйилмайди.

Агар акциядорларнинг ўтказилмай қолган йиғилиши ўрнига чақирилган тақрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирк фоизидан кўпроқ овозига эга бўлган

акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

Акциядорларнинг такрорий умумий йиғилишини ўтказиш тўғрисида хабар қилиш «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 62-моддасида назарда тутилган муддатларда ва шаклда амалга оширилади.

11.41. Акциядорларнинг ҳисобот умумий йиғилиши ҳар йили молия йили якунланганидан сўнг узоғи билан олти ой ичида ўтказилади. Акциядорларнинг ҳисобот умумий йиғилишида албатта жамиятнинг йиллик ҳисоботи ва бошқа масалалар кўриб чиқилади. Акциядорларнинг йиллик умумий йиғилишидан ташқари ўтказиладиган йиғилишлар навбатдан ташқари ҳисобланади. Акциядорлар умумий йиғилиши кун тартибига киритилмаган масалалар бўйича қарорлар қабул қилишга ҳақли эмас.

11.42. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоғи билан ўттиз кун олдин корпоратив ахборотнинг ягона порталида, жамиятнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

11.43. Умумий йиғилишни ўтказиш, ўтказиш тартиби, унинг ваколатлари мазкур устав ва «Акциядорлар умумий йиғилиши тўғрисидаги низом» билан белгиланади.

11.44. Кузатув кенгашининг ваколат доирасига қуйидагилар қиради:

- жамиятни ривожлантириш стратегиясига эришиш бўйича кўрилаётган чоратadbирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;

- йиллик ва навбатдан ташқари акциядорлар умумий йиғилишларини чақириш, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 65-моддаси ўн биринчи қисмида назарда тутилган ҳолатлар бундан мустасно;

- акциядорлар умумий йиғилиши кун тартибини тайёрлаш;
- акциядорлар умумий йиғилиши ўтказиладиган сана, вақт ва жойини белгилаш;
- акциядорлар умумий йиғилишини ўтказиш тўғрисида хабар қилиш учун жамият акциядорлари реестрини шакллантириш санасини белгилаш;

- акциядорлар умумий йиғилишига «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 59-моддаси биринчи қисми иккинчи хатбошида кўзда тутилган масалаларни акциядорларнинг умумий йиғилиши ҳал қилиши учун қиритиш;

- мулкнинг бозор қийматини белгилашни ташкил қилиш;

- жамият Устав фондини қўшимча акциялар чиқариш йўли билан қўпайтириш билан боғлиқ равишда жамият уставига ўзгартириш ва қўшимчалар қиритиш, Қўшимча акциялар чиқариш ҳамда жамият қимматли қоғозлар чиқариш тўғрисидаги қарор, эмиссия рисоласига ўзгартиришлар ва қўшимчалар қиритиш тўғрисида қарор қабул қилиш масалаларини ҳал қилиш;

- жамиятнинг устав фондини қўшимча акцияларни жойлаштириш йўли билан қўпайтириш, шунингдек жамият уставига жамиятнинг устав фондини қўпайтириш ҳамда жамиятнинг эълон қилинган акциялари сонини камайитириш билан боғлиқ ўзгартиш ва қўшимчалар қиритиш;

- қўшимча акциялар чиқариш ҳамда жамият қимматли қоғозлар чиқариш тўғрисидаги қарор ва эмиссия рисоласини тасдиқлаш ҳамда уларга ўзгартиришлар ва қўшимчалар қиритиш тўғрисида қарорларни қабул қилиш;

- жамиятнинг ижро органини ташкил қилиш, (сайлаш, тайинлаш, ёллаш ва б.), унинг ваколатларини муддатида олдин тугатиш;

- «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- қимматли қўғозларнинг ҳосилаларини чиқариш тўғрисида қарор қабул қилиш;
- жамият томонидан жойлаштирилган акциялар, облигациялар ва бошқа қимматли қўғозларни сотиб олиш тўғрисида қарорлар қабул қилиш;
- корпоратив маслаҳатчи тўғрисидаги низомни тасдиқлаш, корпоратив маслаҳатчини тайинлаш, лавозимидан озод қилиш ҳамда уни ҳисоботларини тасдиқлаш;
- жамиятнинг йиллик бизнес-режасини тасдиқлаш. Бунда жамиятнинг кейинги йилга мўлжалланган бизнес-режаси жорий йилнинг 1 декабридан кечиктирилмасдан тасдиқланиши лозим;
- жамиятнинг ижроия органига тўланадиган ҳақ ва компенсациялар миқдорларини белгилаш;
- жамият ижро органи фаолиятига тегишли ҳар қандай ҳужжатлар билан танишиш, ва Кузатув кенгаши зиммасига юклатилган мажбуриятларни ижро этиш учун уларни ижро органидан олиш. Олинган ҳужжатлар Кузатув кенгаши ва унинг аъзолари томонидан факат хизмат мақсадларида ишлатилиши мумкин;
- жамият Кузатув кенгаши, ижро органи, тафтишчисига, шунингдек санок комиссияси аъзоларига тўланадиган муқофотлар ва компенсациялар миқдорлари бўйича тавсиялар бериш;
- аудиторлик текширувини ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;
- акциялар бўйича тўланадиган дивидендлар миқдори ва уларни тўлаш шакли ва тартиби бўйича тавсиялар бериш;
- жамиятнинг захира ва бошқа фондларидан фойдаланиш;
- жамиятнинг ваколатхоналарини очиш ва филиалларини ташкил қилиш;
- жамиятнинг шуъба ва тоъбе корхоналарини ташкил қилиш;
- жамиятнинг тижорат ва нотижорат ташкилотлардаги иштироки билан боғлиқ битимларни қонунчиликда белгиланган тартибда тузиш;
- «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонун ва жамият устави билан Кузатув кенгаши ваколатларига киритилган бошқа масалаларни ҳал қилиш.

11.45. Кузатув кенгаши ваколатларига киритилган масалалар ҳал қилиш учун жамият ижро органига берилиши мумкин эмас.

11.46. Бош директор ваколатига жамиятнинг жорий фаолиятини бошқариш билан боғлиқ барча масалалар қиради, акциядорлар умумий йиғилиши ёки Кузатув кенгашининг алоҳида ваколатларига қирувчи масалалар бундан мустасно. Бош директор қонунчилик ва «Жамиятнинг ижро органи тўғрисидаги низом»га мувофиқ умумий йиғилиш ва Кузатув кенгаши қарорлари бажарилишини ташкиллаштиради.

11.47. Бош директор амалдаги қонунчилик ва мазкур уставга мувофиқ ўз ваколатлари доирасида:

- жамият номидан ишончномасиз фаолият олиб боради, уни Ўзбекистон Республикаси ва чет эллардаги барча муассасалар, корхона ва ташкилотларда ифода этади;
- жамиятнинг фаолият дастурига мувофиқ ишга тезкор раҳбарликни амалга оширади;
- жамият Кузатув кенгаши йиғилишларида (зарур ҳолларда ва Кузатув кенгашининг таклифи бўйича) иштирок этади;
- унга берилган ҳуқуқлар доирасида жамият мулки, жумладан молиявий маблағларни тасарруф этади;
- жамиятнинг тезкор, хўжалик фаолиятини амалга ошириш жараёнида бажариладиган битимларни тузиш бўйича қарорлар қабул қилади;
- жамият фаолияти Бизнес-режаси лойиҳаларини, шунингдек Бизнес-режа бажарилиши

тўғрисидаги чораклик ҳисоботларни, жумладан молия йили яқунланганидан сўнг узоғи билан уч ойда Кузатув кенгашига келишиш учун ва акциядорлар умумий йиғилишига тасдиқлаш учун, шунингдек йиллик баланс, йиллик ҳисобот ва молиявий режа бажарилиши тўғрисидаги ҳисоботни тақдим этади;

- жамият Кузатув кенгаши томонидан ишлаб чиқилган бош стратегик фаолият йўналишига мувофиқ битимларни амалга оширади ва шартномалар тузади, ва бошқа юридик ҳаракатларни содир этади, ишончномалар беради;
- банкларда ҳисоб-китоб ва бошқа ҳисобрақамлар очади;
- ички меҳнат тартиби қоидаларини тасдиқлайди ва ушбу тартибга риоя қилинишини таъминлайди;
- тузилмавий бўлинмалар тўғрисидаги низомлар ва жамият ходимларининг лавозим йўриқномаларини тасдиқлайди;
- жамиятнинг штатини тасдиқлайди;
- ишга қабул қилади ва жамият ходимлари билан меҳнат шартномаларини тугатади, уларга нисбатан амалдаги қонунчиликка мувофиқ рағбатлантириш ва жазолаш чораларини қўллайди;
- жамиятнинг ички фаолиятига оид тезкор масалалар юзасидан қарорлар қабул қилади ва буйруқлар чиқаради;
- ходимларни ўқитиш бўйича чора-тадбирлар режаларини тасдиқлайди;
- акциядорларнинг ижро органи фаолиятига оид сўровлар бўйича бошқа зарур материаллар ва таклифларни тайёрлайди, уларни кўриб чиқиш учун тақдим этади;
- амалдаги қонунчилик ва жамият уставига мувофиқ Директор ваколатларига киритилган бошқа масалаларни ҳал қилади.

ХII. ЖАМИЯТ ТОМОНИДАН ЙИРИК БИТИМЛАРНИ АМАЛГА ОШИРИШ

12.1. Жамият томонидан мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битим (шу жумладан қарз, кредит, гаров, кафиллик) ёки ўзаро боғланган бир нечта битим, агар бошқа шахсга берилаётган мол-мулкнинг ёки олинаётган мол-мулкнинг баланс қиймати бундай битимларни тузиш тўғрисидаги қарор қабул қилинаётган санада жамият соф активлари миқдорининг **ўн беш фоизидан ортиғини ташкил этса**, йирик битим деб ҳисобланади, кундалик хўжалик фаолиятини юритиш жараёнида тузиладиган битимлар ҳамда акцияларни ва бошқа қимматли қоғозларни жойлаштириш билан боғлиқ бўлган битимлар бундан мустасно.

12.2. Жамиятнинг йирик битими предмети бўлган мол-мулкнинг бозор қиймати деганда мол-мулкнинг энг эҳтимол тугилган нархи тушунилиб, ушбу қиймат бўйича мазкур мол-мулк очик бозорда битимнинг тарафлари барча зарур ахборотга эга бўлган ҳолда ўз манфаатлари йўлида оқилона ва ихтиёрий равишда ҳаракат қиладиган рақобат шароитида бошқа шахсга берилиши мумкин, битим нархининг баланд-пастлигида эса бирор-бир фавқуллодда ҳолатлар, шу жумладан тарафлардан бирининг ушбу битимга қўшилиш мажбурияти акс этмайди. Жамият мол-мулкнинг бозор қийматини аниқлаш учун битимнинг тарафлари томонидан баҳоловчи ташкилот жалб этилиши мумкин.

ХIII. ЖАМИЯТНИНГ МОЛ-МУЛК ОЛИШИ ЁКИ УНИ ТАСАРРУФДАН ЧИҚАРИШИ БИЛАН БОГЛИК ЙИРИК БИТИМЛАРНИ ТУЗИШ

13.1. Баланс қиймати битим тузиш тўғрисида қарор қабул қилинаётган санада Жамият соф активлари миқдорининг ўн беш фоизидан эллик фоизигачасини ташкил этувчи мол-мулк хусусида бўлган йирик битим тузиш тўғрисидаги қарор жамият Кузатув кенгашининг аъзолари томонидан бир овоздан қабул қилинади, бунда Кузатув кенгашининг таркибдан чикиб кетган аъзолари овози ҳисобга олинмайди.

13.2. Йирик битим тузиш масаласида Жамият Кузатув кенгашининг яқдиллигига эришилмаган ҳолларда йирик битим тузиш тўғрисидаги масала Кузатув кенгаш Қарорига мувофиқ акциядорлар умумий йиғилиши ҳал қилиши учун олиб чиқилиши мумкин.

13.3. Битим тузиш тўғрисида қарор қабул қилинаётган санада Жамият соф активлари баланс кийматининг эллик фоизидан ортиқ кийматни ташкил этувчи мол-мулк хусусида йирик битим тузиш тўғрисидаги қарор акциядорлар умумий йиғилиши юмонидан йиғилишда қатнашаётган овоз берувчи акциялар эгалари бўлган акциядорларнинг тўртдан уч қисмдан иборат кўпчилик овози билан қабул қилинади.

13.4. Йирик битим жамият акциядорларининг умумий йиғилиши ёки кузатув кенгаши ушбу битим бўйича қарор қабул қилганидан кейин жамиятнинг ижроия органи томонидан амалга оширилади.

XIV. ЖАМИЯТНИНГ БИТИМ ТУЗИШИДАН МАНФААТДОРЛИГИ

14.1 Жамият битим тузишидан манфаатдор шахслар мазкур жамиятга нисбатан аффилланган шахслар деб эътироф этилади.

Қуйидагилар жамиятнинг аффилланган шахслари деб эътироф этилади:

1) жамиятнинг йигирма фоиз ва ундан ортиқ фоиз акцияларига эгаллик қилувчи юридик шахс;

2) жамиятнинг йигирма фоиз ва ундан ортиқ фоиз акцияларига яқин қариндошлари билан биргаликда эгаллик қилувчи жисмоний шахс;

3) ушбу жамият кузатув кенгашининг аъзоси, жамият директорининг ваколатларини амалга ошираётган шахс;

4) жамият қайси юридик шахс устав фондининг йигирма фоизи ва ундан ортиқ фоизига эгаллик қилса, ўша юридик шахс;

5) жамиятнинг шўъба хўжалик жамияти бўлган ёки ушбу жамият қайси жамиятнинг шўъба хўжалик жамияти бўлса, ўша жамиятнинг шўъба хўжалик жамияти бўлган юридик шахс;

6) жамият устав фондининг йигирма фоизи ва ундан ортиқ фоизига эгаллик қилувчи айна бир шахс қайси юридик шахс устав фондининг йигирма фоизи ва ундан ортиқ фоизига эгаллик қилса, ўша юридик шахс;

7) жамият кузатув кенгашининг қаида учдан бир қисмини ташкил этувчи айна бир шахслар ва уларнинг яқин қариндошлари қайси юридик шахс кузатув кенгашининг қаида учдан бир қисмини ташкил этса, ўша юридик шахс;

8) жамиятнинг директори бўлган айна бир шахс ёки унинг яқин қариндошлари қайси юридик шахс ижроия органининг раҳбари вазифасини амалга ошираётган бўлса, ўша юридик шахс;

9) яқин қариндошлари билан биргаликда ушбу жамият кузатув кенгашининг қаида учдан бир қисмини ташкил этувчи шахс қайси юридик шахс раҳбарининг ёки ижроия органи аъзосининг вазифасини амалга ошираётган бўлса, ўша юридик шахс;

10) жамият директори яқин қариндошлари билан биргаликда қайси юридик шахс жамият кузатув кенгашининг қаида учдан бир қисмини ташкил этса, ўша юридик шахс;

11) жамият билан битта хўжалик бирлашмасига қирувчи юридик шахс.

Қуйидагилар жамиятнинг аффилланган шахси бўлган акциядор — жисмоний шахснинг аффилланган шахслари деб эътироф этилади:

1) ушбу жисмоний шахс ва (ёки) унинг яқин қариндошлари қайси юридик шахс устав фондининг йигирма фоизи ва ундан ортиқ фоизига эгаллик қилса, ўша юридик шахс;

2) ушбу акциядор ёки унинг яқин қариндошлари қайси юридик шахс кузатув кенгашининг аъзоси бўлса, ўша юридик шахс;

3) ушбу акциядор ёки унинг яқин қариндошлари қайси юридик шахсда ижроия органининг аъзоси ваколатларини амалга ошираётган бўлса, ўша юридик шахс.

14.2. Аффилланган шахс жамият билан битим тузишда аффилланган эканлиги тўғрисида тузилиши қутилаётган битим ҳақидаги маълумотларни, шу жумладан битимда иштирок этаётган шахслар, битим предмети тўғрисидаги маълумотларни, тегишли шартноманинг муҳим шартларини батафсил кўрсатган ҳолда ёзма билдириш юбориш орқали жамиятни хабардор этиши шарт.

14.3. Жамиятнинг аффилланган шахси билан тузиладиган битим тўғрисидаги, тузилиши кутилаётган битим тарафининг ёзма билдиришида кўрсатиладиган ахборот жамиятнинг ижроия органи ва ички аудит хизмати (агар у мавжуд бўлса) томонидан ўрганилади. Жамиятнинг ижроия органи томонидан ўрганиш ёзма билдириш олинганидан кейин уч иш куни ичида амалга оширилади. Директорнинг қарорига кўра мазкур битимни ўрганишга қўшимча равишда жамиятнинг бошқа ходимлари жалб қилиниши мумкин.

14.4. Жамиятнинг ижроия органи жамият кузатув кенгашини аффилланган шахс билан тузилиши кутилаётган битимни ўрганиш натижалари баённомасини илова қилган ҳолда ёзма шаклда хабардор қилади.

Жамиятнинг кузатув кенгаши аффилланган шахс билан тузиладиган битим тўғрисидаги ахборотни ўрганади ва аффилланган шахснинг ёзма билдириши жамиятга келиб тушган санадан эътиборан ўн беш кундан кечиктирмай битим бўйича қарор қабул қилади.

Агар жамият кузатув кенгашининг икки ва ундан ортиқ аъзоси аффилланган шахс бўлса, битим бўйича қарор ушбу Қонунда белгиланган тартибда ва муддатларда акциядорларнинг умумий йиғилиши томонидан қабул қилинади.

Жамиятнинг аффилланган шахси жамиятнинг кузатув кенгаши ёки акциядорларнинг умумий йиғилиши мазкур битим юзасидан қарор қабул қилаётганда муҳокамада иштирок этишга ҳақли эмас ва овоз бериш ҳуқуқига эга эмас.

Аффилланган шахс билан тузилаётган битимни маъқуллаш ҳақидаги қарор мажлисда иштирок этаётган жамият кузатув кенгаши аъзолари томонидан бир овоздан ёхуд акциядорларнинг умумий йиғилишида иштирок этаётган акциядорларнинг малакали кўпчилик овози билан қабул қилинади.

Жамиятнинг ижроия органи тузилиши кутилаётган битим тарафини аффилланган шахс билан тузилаётган битим бўйича қабул қилинган қарор ҳақида ёзма шаклда хабардор қилади.

Агар аффилланган шахс билан тузилаётган битим айна бир вақтда йирик битим бўлса, битимни тузиш тартибига «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуннинг 8-бобида белгиланган йирик битим тузишга доир қоидалар қўлланилади.

Жамиятнинг кузатув кенгаши ёки акциядорларнинг умумий йиғилиши аффилланган шахс билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимни (битимларни) маъқуллаш ҳақида қарор қабул қилишга ҳақли.

14.5. Аффилланган шахс билан тузилган битим бўйича низолашиш, Аффилланган шахс билан тузилган битим натижасида етказилган зарарнинг ўрнини қоплаш, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуннинг 90, 91 моддаларига асосан ҳал қилинади.

XV. ФИЛИАЛЛАР ВА ВАКОЛАТХОНАЛАР, ШЎЪБА ВА ТОБЕ ХЎЖАЛИК ЖАМИЯТЛАР ТАШКИЛ ЭТИШ ВА УЛАРНИНГ ФАОЛИЯТ КЎРСАТИШ ТАРТИБИ

15.1. Жамият филиаллар ташкил этиши ҳамда ваколатхоналар очиши мумкин. Улар ўзларини ташкил этган Жамият томонидан мол-мулк билан таъминланади ва Жамият тасдиқлаган уставлар асосида иш кўради.

15.2. Филиал ёки ваколатхонанинг раҳбари Жамият томонидан тайинланади ва Жамият берган ишончнома асосида иш кўради.

15.3. Филиал ҳамда ваколатхона фаолияти учун жавобгарлик уларни тузган Жамият зиммасида бўлади.

15.4. Жамият юридик шахс ҳуқуқини олган шўъба ва тобе хўжалик жамиятларга эга бўлиши мумкин.

15.5. Шўъба хўжалик жамияти Жамият қарзлари юзасидан жавобгар бўлмайди.

15.6. Жамиятнинг шўъба хўжалик жамиятига бажарилиши шарт бўлган кўрсатмаларни бериш ҳуқуқи шўъба хўжалик жамиятнинг уставида кўзда тутилган тақдирда Жамият бундай

хукукка эга деб хисобланади.

15.7. Шуъба хўжалик жамияти Жамиятнинг айби билан ночор (банкрот) бўлиб қолган ҳолларда Жамият шуъба хўжалик жамиятнинг қарзлари юзасидан субсидиар жавобгар бўлади. Жамият шуъба хўжалик жамиятнинг муайян ҳаракатларни амалга ошириш оқибатида ночор (банкрот) бўлиб қолишини олдиндан билиб, юқорида айталган ўз ҳуқуқлари ва (ёки) имкониятидан шуъба хўжалик жамиятнинг шундай ҳаракатларни амалга оширишни қузлаб фойдаланган ҳоллардагина шуъба хўжалик жамиятнинг ночорлиги (банкротлиги) Жамиятнинг айби билан юз берган деб хисобланади. Шуъба хўжалик жамият акциядорлари Жамиятдан унинг айби билан шуъба хўжалик жамиятга келтирилган зиённи тўлашни талаб қилишга ҳақлидир. Жамият шуъба хўжалик жамиятнинг муайян ҳаракатларни амалга ошириш оқибатида зиён қуришини олдиндан билиб, ўз ҳуқуқлари ва (ёки) имкониятидан шуъба хўжалик жамиятнинг шундай ҳаракатларни амалга оширишини қузлаб фойдаланган ҳолдагина зиён Жамиятнинг айби билан келтирилган деб хисобланади.

XVI. ЖАМИЯТ ФАОЛИЯТИНИ НАЗОРАТ ҚИЛИШ. ЖАМИЯТ ТАФТИШЧИСИ ВА АУДИТОРЛИК ТАШКИЛОТИ

16.1. Жамиятнинг молия-хўжалик фаолиятини назорат қилиш учун Жамиятнинг ушбу уставига мувофиқ акциядорларнинг умумий йиғилиши томонидан 3 йил муддатга тафтишчи сайлайди.

16.2. Жамиятнинг молия-хўжалик фаолиятини текшириш (тафтиш қилиш) бир йиллик еки бошқа давр ичидаги фаолият якунлари бўйича тафтишчининг ташаббусига биноан, акциядорлар умумий йиғилишининг, Қузатув кенгашининг қарорига ёки Жамият овоз берувчи акцияларининг ҳаммаси бўлиб қаида беш фоизига эгалик қилувчи акциядорнинг (акциядорларнинг) талабига биноан амалга оширилади.

16.3. Жамият тафтишчисининг талабига биноан Жамиятнинг бошқарув органларидаги мансабдор шахслар молия-хўжалик фаолияти тўғрисидаги ҳужжатларни тафтиш комиссиясига тақдим этишлари шарт.

16.4. Жамиятнинг тафтишчиси амалдаги қонунчиликка мувофиқ акциядорларнинг навбатдан ташқари умумий йиғилиши қақирилишини талаб қилишга ҳақли.

16.5. Жамият тафтишчиси бир вақтнинг ўзида Жамият Қузатув кенгашининг аъзоси бўлишлари, шунингдек Жамиятнинг бошқарув органларида бошқа лавозимларни эгаллашлари мумкин эмас.

16.6. Жамиятнинг молия-хўжалик фаолиятини текшириш якунларига кўра тафтишчиси ҳулоса тайёрлайди, бу ҳулосада:

- ҳисоботларда ва Жамиятнинг бошқа молия ҳужжатларида акс этирилган маълумотлар қай даражада тўғрилигига баҳо берилади;
- бухгалтерия ҳисобини юритиш ва молия ҳисоботини тақдим этиш тартиби, шунингдек молия-хўжалик фаолиятини амалга ошириш чоғида қонун ҳужжатлари бузилганлиги тўғрисида ахборот берилади.

16.7. Жамият тафтишчисининг вақолат доираси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонун ва жамият устави билан белгиланади. Жамият тафтишчисининг фаолият кўрсатиш тартиби акциядорларнинг умумий йиғилиши томонидан тасдиқланадиган низомда белгиланади.

Жамият тафтишчисининг ёзма талабига кўра жамият ижроия органида мансабни эгаллаб турган шахслар жамиятнинг молия-хўжалик фаолияти тўғрисидаги ҳужжатларни тафтишчига тақдим этиши шарт.

Тафтишчи жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги ҳулосани ҳар чоракда жамият қузатув кенгашининг мажлисига олиб чиқади. Ушбу уставнинг 16.6 бандида кўрсатилган ахборотни ўз ичига олган ҳулоса акциядорларнинг йиллик умумий йиғилишида эшитилади.

16.8. Жамият ҳар йили йиллик молия ҳисоботларини текшириш ва тасдиқлаш учун Жамият ва ёки акциядорлар билан мулкӣ манфаатлар негизда боғлиқ бўлмаган аудиторни жалб этади.

16.9. Аудиторлик ташкилоти жамият билан тузилган шартномага мувофиқ қонун ҳужжатларида белгиланган тартибда Жамиятнинг молия-хўжалиқ фаолиятини текширади ва унга аудиторлик ҳулосасини тақдим этади.

16.10. Аудиторлик ташкилоти Жамиятнинг молиявий ҳисоботи ва молияга доир бошқа ахборот ҳақидаги нотўғри ҳулосани ўз ичига олган аудиторлик ҳулосаси тузилганлиги оқибатида етказилган зарар учун жамият олдида жавобгар бўланади.

XVII. ҲИСОБ ВА ҲИСОБОТ

17.1. Жамият қонун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

17.2. Жамиятда бухгалтерия ҳисобининг ташкил этилиши, ҳолати ва ишончлилиги, тегишли органларга ҳар йилги ҳисобот ва бошқа молиявий ҳисоботлар, шунингдек жамиятнинг расмӣ веб-сайтида ва оммавий ахборот воситаларида акциядорларга, кредиторларга тақдим этиладиган жамият фаолияти тўғрисидаги маълумотлар ўз вақтида тақдим этилиши учун жавобгарлик жамият ижроия органининг зиммасида бўлади.

17.3. Жамиятнинг молиявий ҳисоботида кўрсатилган ва акциядорларнинг умумий йиғилишига тақдим этиладиган молиявий ҳисоботдаги, бухгалтерия балансидаги, фойда ва зарарлар ҳисобварағидаги маълумотларнинг ишончлилиги мулкӣ манфаатлари жамият ёки унинг акциядорлари билан боғлиқ бўлмаган аудиторлик ташкилоти томонидан тасдиқланган бўлиши керак.

17.4. Жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўттиз кундан кечиктирмай жамиятнинг кузатув кенгаши томонидан дастлабки тарзда тасдиқланиши лозим.

XVIII. ЖАМИЯТ ҲУЖЖАТЛАРИНИ САҚЛАШ

18.1. Жамият:

- Жамиятнинг уставини, уставга киритилган, белгиланган тартибда рўйхатдан ўтаказилган ўзгартириш ва қўшимчаларни, жамиятни ташкил этиш тўғрисидаги қарорни, жамият давлат рўйхатидан ўтказилганлиги тўғрисидаги гувоҳномани;
- Жамиятнинг ўз балансидаги мол-мулкка бўлган ҳуқуқини тасдиқловчи ҳужжатларни;
- акциядорлар умумий йиғилиши ва Жамиятни бошқаришнинг бошқа органлари тасдиқлайдиган ҳужжатларни;
- Жамиятнинг филиали ёки ваколатхонаси ҳақидаги низомни;
 - йиллик молия ҳисоботини;
 - эмиссиявий қимматли қоғозларни чиқариш тўғрисидаги қарорларни;
- акциялар эмиссияси рисоласини;
- бухгалтерия ҳисоб-китобига доир ҳужжатларни;
- тегишли органларга тақдим этиладиган молия ҳисоботида доир ҳужжатларни;
- акциядорлар умумий йиғилиши, Кузатув кенгаши ва яқобошчилик асосидаги ижроия органи директор томонидан чиқарилган буйруқларни;
- жамият аффилиланган шахсларининг уларга қарашли акциялар сони ва турларини кўрсатган ҳолда тузилган рўйхатларини;
 - жамият акциядорларининг реестрларини;
 - аудиторлик ташкилотининг ва жамият, тафтишчисининг ҳулосалари ва ҳисоботларини, назорат қилувчи давлат органларининг текширувлари далолатномаларини сақлаши шарт.
- Жамият қонун ҳужжатларига ва жамият уставига мувофиқ бошқа ҳужжатларни ҳам сақлаши шарт.

ХИХ. АКЦИЯДОРЛАРГА ЖАМИЯТ ХУЖЖАТЛАРИДАН ФОЙДАЛАНИШ ИМКОНИАТИНИ БЕРИШ ВА ЖАМИЯТ ТУГРИСИДАГИ АХБОРОТ

19.1. Жамият Уставнинг 18.1. бандида назарда тутилган хужжатлардан акциядорларнинг фойдаланиш имкониятини таъминлайди, бундан бухгалтерия ҳисобига доир хужжатлар, кузатув кенгаши мажлисларининг баённомалари, шунингдек жамият директорининг буйруқлари ва жамият акциядорларининг реестри мустасно.

19.2. Жамият акциядорнинг ёзма талабига кўра унга ушбу Қонунда назарда тутилган хужжатларнинг кўчирма нусхаларини ҳақ эвазига тақдим этиши шарт. Ҳақ миқдори жамият томонидан белгиланади ҳамда хужжатларнинг кўчирма нусхаларини тайёрлаш харажатларининг қийматидан ва хужжатларни почта орқали жўнатиш билан боғлиқ харажатлардан ортиб кетмаслиги керак.

19.3. Жамият сўралаётган хужжатларни акциядорга электрон шаклда тақдим қилишга ҳақли.

19.4. Акциядорлар жамият ёки унинг фаолияти тўғрисидаги хизмат, тижорат сирини ёки қонун билан қўриқланадиган бошқа сирни ташкил этувчи ахборотни ошкор қилишга ҳақли эмас.

19.5. Жамият қонун хужжатларида белгиланган тартибда ва муддатларда ўзи тўғрисидаги ахборотни ошкор қилишни амалга ошириши шарт.

ХХ. ЖАМИЯТНИ КАЙТА ТАШКИЛ ЭТИШ ВА ТУГАТИШ

20.1. Жамиятни кайта ташкил этиш акциядорлар умумий йиғилишининг қарори билан кўшиб юбориш, бирлаштириш, бўлиш, ажратиб чиқариш ва кайта тузиш тарзида амалга оширилади.

20.2. Кайта ташкил этиш тўғрисида қарор қабул қилинган санадан эътиборан жамият 30 кундан кечиктирмай ўз кредиторларини бу ҳақда ёзма равишда хабардор этади.

20.3. Жамиятни тугатиш унинг ҳуқуқ ва мажбуриятлари ҳуқуқий ворислик тартибда бошқа шахсларга ўтмаган ҳолда Жамият фаолиятининг тўхтатилишига олиб келади.

20.4. Жамият ихтиёрий равишда тугатилган тақдирда, Жамиятнинг Кузатув кенгаши акциядорлар умумий йиғилишининг ҳукмига Жамиятни тугатиш ва тугатиш комиссиясини тайинлаш тўғрисидаги масалани хавола этади.

20.5. Ихтиёрий равишда тугатилаётган тақдирда Жамият акциядорларнинг умумий йиғилиши тугатиш тўғрисида ва рўйхатга олишни амалга оширувчи орган билан келишган ҳолда тугатиш комиссиясини тайинлаш ҳақида қарор қабул қилади.

20.6. Жамият суднинг қарори билан тугатилганда тугатиш комиссиясини тайинлаш қонун хужжатларида белгиланган тартибда амалга оширилади.

20.7. Тугатиш комиссияси тайинланган пайтдан эътиборан Жамият ишларини бошқариш бўйича барча ваколатлар тугатиш комиссиясига ўтади. Тугатиш комиссияси Жамият номидан судда иштирок этади.

20.8. Тугатиш комиссияси юридик шахсларни рўйхатга олиш тўғрисидаги маълумотлар эълон қилинадиган матбуот органларида Жамиятнинг тугатилиши, унинг кредиторларининг талаб қўйиш тартиби ва муддатлари тўғрисида хабар эълон қилади.

20.9. Кредиторлар билан ҳисоб-китоб қилиб бўлинганидан кейин ёки агар тугатиш тўғрисида қарор қабул қилинган пайтида Жамият кредиторлар олдида ҳеч қандай мажбуриятларга эга бўлмаса, Жамиятнинг қолган мол-мулки тугатиш комиссияси томонидан акциядорлар ўртасида Ўзбекистон Республикасининг «Акциядорлик жамиятлари ва акциядорларнинг ҳуқуқлари ҳимоя қилиш тўғрисида» ги Қонунининг 100-моддасида белгиланган тартиб бўйича тақсимланади.

20.10. Давлат рўйхатидан ўтказувчи орган юридик шахсларнинг ягона давлат реестрига тегишли ёзувларни киритиб қўйган пайтдан эътиборан Жамиятни тугатиш тамомланган, Жамият эса фаолиятини тугатган ҳисобланади.

XXI. БОШҚА ҚОИДАЛАР

21.1. Жамиятнинг Ушбу уставига ўзгартириш ва қўшимчалар амалдаги қонунчиликка биноан Жамият акциядорларининг умумий йиғилиши қарори билан, ушбу уставда белгиланган ҳолларда эса - Жамият Кузатув кенгаши томонидан киритилади.

21.2. Жамиятнинг юридик ва жисмоний шахслар билан низолари Ўзбекистон Республикасининг амалдаги қонунчилигига биноан суд органлари ёки бошқа ваколатли органлар томонидан ҳал қилинади.

21.3. Ушбу устав амалдаги қонунчиликка биноан давлат рўйхатидан ўтказилган пайтидан бошлаб қучга киради.

В.Б. Бош Директор

Абдувасилов Б.А.

